

page :

N057

條目：

《決定毗尼經》

內容：

決定毘尼經 (12)

「究竟毘尼」(一・40 下—41 上) —— 大(90)優波離會(一一・517 下) 一小段
分別聲聞戒與菩薩之異，末後論究竟毘尼，離增上慢。

出處：

「究竟毘尼」(一・40 下—41 上)

※參見《佛說決定毗尼經》卷 1 (CBETA, T12, no. 325, p. 40, c11-p. 41, a7)：

爾時，文殊師利在大眾中，前白佛言：「世尊！一切諸法**究竟比尼**，誰受比尼？」

佛告文殊：「若諸凡夫悉能了知，一切諸法究竟比尼，如來終不演說比尼。以不知故，如來爾時為令覺知一切諸法究竟比尼，漸次為說諸比尼法。」

爾時，優波離白佛言：「世尊！此文殊師利於此解說比尼決定之義而無所說。」

爾時，世尊告文殊師利：「汝今應當解說究竟比尼之法，此優波離欲得聞於比尼之義。」

爾時，文殊師利語優波離言：「一切諸法究竟無垢，能自調心乃能得見究竟比尼。一切諸法無有諸纏淨其本性，乃能得見究竟比尼。一切諸法無有染污我不可得，乃能得見無悔比尼。如如真實億萬法門欣樂修學，乃能得見清淨學戒。一切諸法無有分別，無縛無解不作思惟，乃能得見無有縛著。一切諸法無住無染不作留住，乃能得見諸法清淨。一切諸法住虛空際離諸處所，乃能得見所作清淨。一切諸法逮無鬪諍，前際後際不可得故，乃能得見三世平等。一切諸法離諸施設心無所行，乃能得見斷於疑結。優波離！是則名為究竟比尼法界，諸佛世尊從此得道。若能籌量觀察此法，是名善學逮最勝戒；若不觀此法，是則不名深入如來所學之戒。」

——大(90)優波離會(一一・517 下) 一小段

※參見《大寶積經》卷 90 (CBETA, T11, no. 310, p. 517, c4-25)：

爾時文殊師利法王子在大眾中白佛言：「世尊！一切諸法**畢竟毘尼**，何所調伏？」

佛告文殊師利：「若諸凡夫了知諸法究竟毘尼，如來終不說於調伏。以不知故，如來為令覺了諸法畢竟毘尼，漸次為說諸毘尼法。」

爾時優波離白佛言：「世尊！如來說此決定毘尼，文殊師利於是法中未有所說。善哉世尊！願令文殊師利為少解說。」

佛告文殊師利：「汝今當說究竟毘尼善巧之義，是優波離願樂欲聞。」

爾時文殊師利法王子語優波離言：「一切諸法畢竟寂滅，心寂滅故名究竟毘尼。一切諸法我不可得，無染著故名不悔毘尼。一切諸法本性清淨，無顛倒故名最勝毘尼。一切諸法如如實際，離諸見故名清淨毘尼。一切諸法不來不去，無分別故名不思議毘尼。一切諸法無住無著，念念滅故名淨諸趣毘尼。一切諸法住虛空際，離諸相故名自性遠離毘尼。一切諸法無去來今，不可得故名三世平等毘尼。一切諸法不可安立，心平等故名永斷疑惑毘尼。優波離！是為法界究竟毘尼，諸佛世尊依此成道。若善男子於是法中不善觀察，則為遠離如來淨戒。」

條目：

《如幻三昧經》

內容：

如幻三昧經 (12) 善住意天子會

菩薩定非聲聞所知——迦葉、舍利弗、須菩提求而不得(一・136 下—137 中)

閑居，頭陀行。(一・140 中)

菩薩發心，得無生忍，入諸地。——大 二乘，諸事 ——
一一正言若反，依般若又而極端說之

「其姪怒癡者，本淨如虛空，」(一・140 下)

以神力建立經典 (二・152 下—153 上)

比丘聞深法，墮地獄，將來必因此深法得解脫 (二・148 下)

執劍害佛 (二・150 下—151 上)

執劍一心向佛，三毒即消，能得解脫(二・152 上)(異二譯無)

於一切佛剎現形說法 (二・150 中；二・152 上一中；二・153 中)

文殊於一切世界降魔 (一・141 下)

出處：

菩薩定非聲聞所知——迦葉、舍利弗、須菩提求而不得(一・136 下—137 中)

※參見《佛說如幻三昧經》卷 1 (CBETA, T12, no. 342, p. 136, b29-p. 137, c6)。

閑居，頭陀行。(一・140 中)

※參見《佛說如幻三昧經》卷 1 (CBETA, T12, no. 342, p. 139, c11-p. 140, c10)。

菩薩發心，得無生忍，入諸地。——大 二乘，諸事 ——
一一正言若反，依般若又而極端說之

「其姪怒癡者，本淨如虛空，」(一・140 下)

※參見《佛說如幻三昧經》卷 1 (CBETA, T12, no. 342, p. 140, c1-10)：

「安住所分別， 是則為空聚，
慎莫懷戀恨， 於彼依倚之。
其姪怒癡者， 本淨如虛空，
駭冥瞋恚事， 悉亦從想生。
又計其想念， 亦不得所在，
諸導師之眾， 所曉了若此。
是故有智者， 人中為明目，
假使欲究盡， 諸佛之道慧。
棄捐諸罣礙， 有為之迷惑，
此等勇猛士， 必成尊佛道。」

以神力建立經典 (二・152 下—153 上)

※參見《佛說如幻三昧經》卷 2 (CBETA, T12, no. 342, p. 152, c2-p. 153, b1)：

於是世尊讚諸菩薩及諸天子：「善哉，善哉！如卿等言。其聞是法，佛明此等當成佛道以入滅度，聞之不畏亦不懷懼，篤信愛樂，不在生死，亦不滅度。」

文殊師利白佛言：「世尊！所建於斯經典，今現感動，為先瑞應，然於後世普流十方。」

佛言：「如是，文殊師利！今所瑞應皆是建立此法威恩，如來弘慈，聖旨令然一切蒙濟。」

佛語文殊：「當復重顯斯深經典，佛言至誠，終不虛妄，此三脫門多所救濟，當令此法後世普流。」

文殊師利復白佛言：「我亦堪任建立此法演真章句。無我無人，無壽無命，無意無可，不墮斷滅，不墮計常，無有塵勞，亦無諍訟，則為光顯於此經典。如我至誠、所言不虛，然後將來五濁之世令普流布。吾今要誓，不具成佛，無法聖眾，無罪報應，無去無來。以此至言，令是要法於將來世皆遍流布。有了是經，而不受欲亦不離欲，無有恚癡而有慈心，無有智慧，無名無色，無緣無見，不興生死，無身不生身，無心不生念，不惟法、不意止，無五陰、無四大，無諸入，眼色耳聲鼻香口味，身更心法亦復如是，不處欲界、色、無色界，心等如地而無憎愛，諸法不損亦無增長，則宣此經。」

如斯經典後世普流，不在至誠，不覩審實，不讚說道，不至道果，亦無道迹，不往來，無不還，不無著，不緣覺，無諸果證，不如來，無佛法，不無畏，無慧不慧，不聖不空不壽，不想不無想，不願不無願，不得果證，無見不見，不至道，無明無冥，亦無解脫，不度不無度，不彼岸，不此岸，不中流，無名無不名。如是真言，當令此經後益流布。又計是經，不應不脫，不精進無所懈，不勤力，不殆廢，以此至誠，法當普流，往本所生，無去無來，過去無人，不度眾生，亦無滅度，人不可得，法無有起，亦無所滅，無有作者，亦無壞者，無將無反，不往不還，無舉無下，無當來佛，如是像法無所照曜，無現在佛亦不暢法。以是之故，法當普流。是經所說，不戒不犯，不定不亂，不慧不愚，不解不縛，不慧見不無慧。此正真言，令經普流。不施不慳，不戒不毀，不忍不諍，不進不殆，不禪不亂，不智慧不愚闇。菩薩大士！此真諦言令法普流，無凡夫，無學者、無羅漢、無緣覺、無佛道，不因緣不無緣。當令此法普流世間。不坐佛樹，不轉法輪，不歎佛。佛不現在，不眾生，不滅度，不如來。所以者何？一切諸法永至滅度，當令此經普流世間。」

文殊師利宣是建立經典要時，此三千大千世界六反震動，其大光明普照十方，虛空中唱無極音：「善哉，善哉！文殊師利！實如要誓。假使江河沙等諸魔官屬，欲求方便毀壞此經，欲令毀散，終不能亂此微妙法，令不流通所以建立是要法者。若族姓子及族姓女，受此經典受持諷誦，聞之信樂，一切皆脫諸魔事業，入佛道慧。」

於是彌勒菩薩前白佛言：「今日何緣地大震動，光明遍照空中暢音。」

佛告彌勒：「何用問為？所以者何？志小下士不識大義，墮于憍慢，斯等長夜不得安隱。」

彌勒白佛：「唯聖說之！多所愍哀，多所安隱，必當慈念諸天人民共信樂之。」

比丘聞深法，墮地獄，將來必因此深法得解脫 (二・148 下)

※參見《佛說如幻三昧經》卷 2 (CBETA, T12, no. 342, p. 148, b17-p. 149, a10)：

時佛嗟歎文殊師利：「善哉，善哉！乃能班宣逮總持義。」

文殊白佛：「我無總持。所以者何？無所得故，無可執持。愚騃凡夫乃逮總持，諸佛菩薩無所獲致。所以者何？其迷惑者多所執持。何所持乎？依於吾我、著人壽命，執持斷滅及計有常，執壞貪婬、瞋恚、愚癡，親抱所有，恩愛貪身，自見五陰、四大及諸人，思想多念，而反求望，墮若干見六十二疑，有所獲致，而急執持。是故，世尊！愚癡凡夫逮得總持。所以者何？愚夫懷法在心念者，諸佛世尊悉無所持。聲聞、緣覺、諸菩薩等，亦復若茲，是故愚夫逮得總持。」

於是善住意天子問文殊師利：「如向者說不得總持，當以何意化於五趣？」

答曰：「其五趣者，無所為作。所以者何？吾以消除五趣終始，令其所趣不知處所。諸佛、緣覺、聲聞所趣，愚癡凡夫所不能趣。所以者何？愚夫比數墮於生死，諸明智者消除諸趣，道迹亦然，不離生死，況於愚癡凡夫士乎！是故吾身，消除諸趣不得總持。所以者何？無所獲致，當何持也！」

說是語時，彼眾會中五百比丘誹謗此經而捨馳去，則以現身墮大地獄。

時，舍利弗報文殊師利：「且止！勿復演此深法，五百比丘聞之狐疑不肯順入，自恣、罵詈，自謂尊豪，而捨馳走，誹謗心亂弘雅之典，則以現身墮大地獄。」

文殊報曰：「唯，舍利弗！莫有斯言，勿懷疑網，有計是非，勿懷猶豫，不見有法墮地獄者，惟察諸法無誹謗者。所以者何？一切諸法悉無所生，屬舍利弗而宣此辭，令吾休止，不說經典。假使族姓子、族姓女，依著吾我想人壽命，若江沙劫供養如來承事聖眾，隨其所安，皆給所乏，盡其形壽而不懈休；若有聞此如是像法深妙難解，一切世間所可希聞，空無相願，擔怕寂寞，歸於消滅，無起無滅，無人壽命，無常苦空，非身之誼，若能得聞如是輩經，聞之誹謗，其族姓子及族姓女墮大地獄，在大地獄忽聞此經，尋便得出，輒信深經而得解脫，勝善男子、善女人江河沙劫奉敬如來供養聖眾，著吾我人及計壽命，不得至道，聞是法者疾得解脫。」◎

佛讚文殊師利：「善哉，善哉！誠如所言。斯經尊妙，若現於世，與佛興出等無有異。道迹往來，不逮無著，於緣覺乘、菩薩大乘而見授決，此為最尊，等無若干。所以者何？不著吾我，所修平等，亦無所得，至於泥洹亦復若茲。設有念知，言有所得，則墮顛倒。」

佛告舍利弗：「此諸比丘五百人等，在於地獄速得滅度，勝於是間愚惑百年護戒、悉知止足，墮於顛倒六十二見。所以者何？未曾得聞此深妙法無解脫相也。是族姓子、若族姓女，聞此深經，入耳思惟，疾速無上正真之道，勝疑餘經，迷墮顛倒。發意頃須與樂信此深經者，疾得解脫。」

執劍害佛 (二・150 下—151 上)

※參見《佛說如幻三昧經》卷 2 (CBETA, T12, no. 342, p. 150, c4-p. 151, c7)。

執劍一心向佛，三毒即消，能得解脫(二・152 上)(異二譯無)

※參見《佛說如幻三昧經》卷 2 (CBETA, T12, no. 342, p. 152, a3-11)：

文殊答曰：「貪欲妄想則是精思修行，世尊！瞋恚愚癡欲除此三，永令無餘，寂然憺怕，爾乃亘然，不能蠲除一切塵勞，不為世尊滅姪怒癡愛欲之難，乃為世尊貪欲意生，執此欲意一心念佛，欲即消滅，恚癡亦然，而得解脫。是故，舍利弗！如執利劍馳向世尊，如幻無害；懷三毒者馳心念佛，塵勞悉除，亦如修行閑居專精，一心念佛乃得解脫。」

於一切佛剎現形說法 (二・150 中；二・152 上一中；二・153 中)

※參見《佛說如幻三昧經》卷 2 (CBETA, T12, no. 342, p. 150, b12-23)：

文殊師利尋時如言幻意三昧而正受矣！應時十方各江沙等諸佛剎土悉自然現。**善住意天子自觀東方江河沙等諸佛剎土，其所現者悉是文殊——或以現形若比丘像講說經典；或復有現比丘尼像、優婆塞、優婆夷像，如釋、如梵、如四天王、如轉輪王色像而現；其體或如天龍鬼神、捷沓怛、阿須倫、迦留羅、真陀羅、摩休勒色像而現其身；或復顯示禽獸飛鳥若干種色——各各現形無量，像貌好醜殊別，而為說法，十方**

——諸江沙等所現佛土，其亦俱然，等無有異，為說經典。」

※參見《佛說如幻三昧經》卷 2 (CBETA, T12, no. 342, p. 152, a16-25)：

諸族姓子尋時受教，各觀本土十方處所——**各各皆見文殊師利，在於十方諸佛邊住，講說經道。**善住意天子諮問、啟受，宣此如幻所行意義經典之要。諸菩薩等聚會亦然，不可稱計，諸天子會多少無異。彼諸佛國皆若干種清淨莊嚴，巍巍無量，亦如忍土等無差特——遙見如斯，莫不忻然，各各舉聲而稱揚言，以為忻慶：「文殊師利道德殊絕，威神光明智無儔匹，威德殊邈過於日月，住此忍土而不移轉，普現十方諸佛國土。」

※參見《佛說如幻三昧經》卷 2 (CBETA, T12, no. 342, p. 153, b1-11)：

佛告彌勒：「斯經典者，四十七億百千那術諸佛，於此地上建立說之，皆亦文殊之所發問。善住意天子與共諮啟。彌勒來世當成無上正真之道最正覺時，復說此經，其餘賢劫諸興如來亦俱同然。」

彌勒復問佛言：「文殊師利、善住意天子，從來久如聞此經典？」

佛告彌勒：「文殊師利、善住意天子，聞是法來七百萬阿僧祇劫，從普華超師子步德王光首如來、至真、等正覺所聞，其於空中唱大音聲，淨居諸天聞講此法，各各勸助諮嗟而行，是故地動。」

文殊於一切世界降魔 (一・141 下)

※參見《佛說如幻三昧經》卷 1 (CBETA, T12, no. 342, p. 141, c24-p. 142, a1)：

「於舍利弗，所志云何？於是三千大千世界獨有是變，降諸魔乎？勿作斯觀。所以者何？十方一切江河沙等諸佛刹土，諸魔波旬求人便者，皆遇此難不得自在，悉文殊師利之所建立。」

爾時世尊告文殊曰：「仁當捨置所建威神，當使諸魔還復本形、天上服飾。」